

ԶԱՅՆԱՐԿՈՒԹՅԱՆ ԿՐԿՆՈՒԹՅՈՒՆԸ ԺԱՄԱՆԱԿԱԿԻՑ ՀԱՅԵՐԵՆՈՒՄ

Զայնարկությունները մարդկային հուզագգացական վերաբերմունք արտահայտող բառեր են, որոնք, որպես կանոն, նախադասության մեջ հանդես են գալիս միջանկյալ բառի գործառնությամբ: Դրանք կենդանի խոսակցական լեզվում և մանավանդ գեղարվեստական խոսքում հաճախ են կրկնվում: Քանի որ ձայնարկություններն արտահայտում են հուզական ու կամային ամենատարբեր վիճակներ, վերաբերմունքներ, ուստի դրանց կրկնությունը գեղարվեստական խոսքում հաճախ դառնում է անխուսափելի անհրաժեշտություն ոչ միայն հեղինակի վերաբերմունքի դրսևորման, այլև հերոսների հուզաշխարհի, զգացումների ու ապրումների արտահայտման համար: Երբեմն տվյալ վերաբերմունքի դրսևորման ամենանախընտրելի ձևը լինում է ձայնարկության կրկնությունը: Այսպես, օրինակ, Ավ. Իսահակյանը «Պահ, պահ, մարդիկ ինչքա՜ն փոքր են» նախադասությամբ ընտրել է զարմանքի արտահայտման լավագույն տարբերակը:

Զայնարկություններն ընդհանրապես և դրանց կրկնությունը մասնավորապես ուժեղացնում են խոսքի դինամիզմը և ստեղծում ամմիջականություն՝ ապահովելով գեղարվեստական պատումի սուբյեկտիվ գունավորումը: Ահա «Անուշ» պոեմից մի փոքր հատված, որտեղ երևում է տվյալ բարդ ու լարված իրավիճակում հայտնված մարդու հոգեկան խռովքի դրսևորման հարցում ձայնարկության կրկնության հուզական-գնահատողական դերը. «Ու ամեն կողմից ուրախ հրռհրռում, Թունալի ծաղրով կանչում են, գոռում... Հա՛, հա՛, հա՛, տղերք, Շատ էլ լավ կանի. Մեջքը թա՛փ տըվեք, Թող մին էլ բռնի... Հա՛, հա՛, հա՛, տղերք, Մեջքը թա՛փ տըվեք...» /ԴԹԸԵ, 180/: Այստեղ կարևոր է նաև ձայնարկություններին ուղեկցող կոչականի կրկնությունը:

Խոսքի մեջ ձայնարկությունը կրկնվելու տարբեր յուրահատկություններ է դրսևորում: Ավելի հաճախադեպ է պարզ կազմությամբ զգացական ձայնարկության կերպավորական կրկնությունն ուղղակի խոսքի սկզբում. «- Օհ, օհ, օհ, էդ ծառաների բանն էլ մի՛ ասի,- ես ու էն կողմից սկսեցին բողոքել տիկին հյուրերը» /ԴԹԸԵ, 267/: «- Հա՛, հա՛, հա՛, հա՛, քահ-քահ խընդաց Մըսրա դաժան

թագավորը» /Ն.տ., 240/: Այս նախադասություններում նախադաս կրկնյալ ծայնարկությանը հաջորդում են կրկնորդ ձևերը, որոնց թվական գերակայությունն էլ նպաստում է առաջին նախադասության մեջ դժգոհության, իսկ երկրորդում՝ ամբարտապան գոհունակության դրսևորմանը:

Ուղղակի խոսքում կրկնվում է նաև կամային ծայնարկությունը: Այս դեպքում կրկնյալ և կրկնորդ ձևերը միմյանցից հեռանում են, միջարկվում նախադասության տարբեր անդամներով. ինչպես՝ «- *Սմո՞ք քեզ, Սոսի՛, թուք ու նախատինք, Սմո՞ք քեզ նըման գոված իգիթին...*» /ԴԹԸԵ, 180/:

Զափածո խոսքում շատ հաճախ կրկնությամբ հանդես է գալիս կոչական ծայնարկությունը՝ կազմելով անդեմ միակազմ նախադասություն. ինչպես՝ «Համբարձում, յայլա, *Յայլա ջան, յայլա*, Հուր սըրտեր, *յայլա, Յայլա ջան, յայլա*» /ԴԹԸԵ, 175/: Այստեղ կրկնվող ծայնարկությունները հաղորդակցական դեր են կատարում: Կրկնվում է նաև բնածայնական կամ նմանածայնական ծայնարկությունը, միայն թե այս դեպքում կրկնությունը հիմնականում երևան է գալիս նախադասության մեջտեղում կամ վերջում՝ առաջին դեպքում ընդհատելով նկարագրական պատումը բնության որևէ առարկայի կամ կենդանական ծայնի կրկնական արտահայտությամբ, իսկ երկրորդ դեպքում յուրովի ամփոփելով խոսքի բովանդակությունը. ինչպես՝ «Ածխոտ գոգնոց կապած, ծխախոտը բերանին երիտասարդը մոտեցավ, ոտքը ծալեց, *շըխկ, շըխկ*, ու էլի մտավ դարբնոց» /ՅՍՕ, 181/: «- Ինչքան էլ որ լինիս գզույշ, Զարի համար թե վաղ, թե ուշ, էդ է պահված, Աղվես աղա, *Ղա՛, ղա՛, ղա՛, ղա՛...*» /ԴԹԸԵ, 119/: Այստեղ ընդգծված ծայնարկություններում, բնականաբար, վերաբերմունքային-գնահատողական տարրը բացակայում է. դրանք բնածայնության կերպավորական կրկնություններ են:

Մինչև հիմա վկայակոչված օրինակներում կրկնվող ծայնարկությունները հիմնականում պարզ բառեր են: Նմանապես սակավ հաճախականությամբ կրկնվում են նաև բարդ ծայնարկությունները: Համեմատաբար ավելի հաճախադեպ է երկրորդ բաղադրիչում բաղաձայնի հավելումով կրկնավոր ծայնարկության կրկնությունն ուղղակի խոսքում. «- *Ախ – վախ, ախ – վախ*, - կանչեց ծառը, - Մուկիկի պես մարդը մեռնի՞» /ԴԹԸԵ, 128/:

Ամեն մի ծայնարկություն, առանձին վերցրած, բազմիմաստ է ու բազմերանգ, և նրա յուրաքանչյուր գործածության մեջ գերակայում է այդ իմաստներից մեկը, կրկնվելիս էլ կարևորվում է հենց այդ գերակայող նշանակությունը:

Այսպես՝ հետևյալ նախադասության մեջ *պո* ծայնարկության կրկնությամբ ավելի է ընդգծվում նրա զարմացական իմաստը. ինչպես « Ու ներս մըտավ ծեր կեսուրը. – Հո՛, *պո՛, պո՛, պո՛, պո՛*, կանչեց խեղճը ...» /ԴԹԸԵ, 96/:

Զայնարկությունը շատ է կրկնվում նաև երկխոսության մեջ՝ արտահայտելով ամենատարբեր զգացումներ և, դրանով պայմանավորված, նաև տարբեր վերաբերմունքներ: Զայնարկության նման հետևողական կրկնությունն ավելի բնորոշ է դրամատիկական ստեղծագործությանը: Այստեղ շատ հաճախ երկխոսությունը ընթանում է երկու կամ երկուսից ավելի գործող անձանց միջև, և յուրաքանչյուրի խոսքն ավարտվում է ծայնարկության կերպավորական կրկնությամբ: Օրինակ՝

«ՍՈՒՆԵՏԻԿ. Զորք է գալիս, *պահ, պահ, պահ, պահ*:

ՀՍԿԱՆԵՐ. Զորք է գալիս, *վահ, վահ, վահ, վահ*: /ԴԴԵԺ, 219/:

Երբեմն էլ երկխոսությունը վարում է միևնույն անձը, երբ նա միայնակ է, խոսում է բարձրաձայն և ինքն էլ արձագանքում իր ասածին՝ հաստատելով կամ ժխտելով այն: Եվ նման երկխոսության մեջ հաճախ գերակայում է ծայնարկության կրկնությունը: Այսպես, օրինակ, դիտարկենք Մ. Գալշոյանի վեպից մի փոքր հատված. «- Հա՛-հա՛-հա՛, - ծայնակցեց Հերոն և որոշեց դառնալ՝ տղերքի հետ մի լա՛վ ծիծաղել, բայց մտավ դատարկ գրասենյակը:

- Հա՛-հա՛-հա՛... ծիծաղեց Հերոն,- Անդրուշ,Աստված քեզ էլելի շնորհք տա... Հա՛-հա՛-հա՛... Աստված քեզ ուրախություն տա, լաո... Հա՛-հա՛-հա՛... - Հերոն քայլում էր դատարկ գրասենյակում, օրինում Անդրուշին ու ծիծաղում: - Հա՛-հա՛-հա՛ ա՛...Էրզրից հետո էսպես ծիծաղած չկամ, լաո... հա՛-հա՛-հա՛ ա՛...»/ՄԳՁՄ, 249/:

Սա թվացյալ երկխոսություն է՝ ծայնարկության պարբերական կրկնությամբ: Թվացյալ ենք համարում, քանի որ խոսողի արտաքին /տվյալ դեպքում՝ բանավոր/ խոսքն է՝ առանց խոսակցի /խոսակիցների/ ներկայության: Խոսողը /Հերոն/ ասում է այն, ինչ որ պիտի ասեր խոսակցի /Անդրուշ/ ներկայությամբ՝ դրսևորելով իր ակտիվ վերաբերմունքը՝ հրճվանքն ու ուրախությունը: Ուշագրավ է, որ բերված հատվածում ուղղակի խոսքը սահմանափակվում է կրկնված ծայնարկությամբ: Գրողը, որպեսզի ամբողջովին արտահայտի իր հերոսի հրճվանքն ու ուրախություն խորքային ամբողջականությամբ, ընտրել է անսովոր ծավալի կրկնավոր ծայնարկություն և այն միևնույն խոսքային իրադրության մեջ կրկնել է վեց անգամ՝ առանց այլ բառերի հետ շարակցելու, բայց քանի որ ասելիքը (համապատասխան վերաբերմունքի դրսևորումը)

ավարտուն է, ուստի այդ կրկնավոր ծայնարկությունն ամեն անգամ գործածվել է նախադասության արժեքով, հաղորդակցական գործառնությով:

Ձայնարկությունը կերպավորական կրկնությամբ ավելի հաճախ հանդես է գալիս նախադասության սկզբում, երբ, կրկնվելով առանց այլ բառերով միջարկվելու, իր կրկնյալ և կրկնորդ ձևերի կողք կողքի շարադասությամբ արտահայտում է ամենատարբեր զգացումներ՝ ցավ, վիշտ, ափսոսանք, ուրախություն, հրճվանք և այլն. ինչպես՝ «-Վրի՛, վրի՛...-մղկտում էր Անանը՝ ցավերից գալարվելով...»/ՆՂ, 70/, «Վա՛, վա՛, է՛, չհատա՛վ.- բացականչեց Արտեմը /ն.տ., 83/:

Նախադասության սկզբում կրկնվում է նաև կամային ծայնարկությունը՝ ավելի հաճախ կենդանուն մղելով հեռացման. ինչպես՝ «- Փիշտ, փիշտ,- վեր թռանք ամենքս... » /ԲԹԸ, 278/:

Կամային ծայնարկությունը կրկնվում է նաև խոսակցին դիմելիս՝ նրան դեպի որևէ գործողության կատարման մղելու նպատակով: Այս դեպքում ավելի հաճախ ծայնարկությունը լինում է կրկնավոր, և նրա կրկնյալ ու կրկնորդ ձևերը գործածվում են խոսքի սկզբում ու վերջում՝ օղակելով ասվածը. ինչպես՝ «է-հե՛-հե՛,- ալիք-ալիք դիզվեց ծայնը,- ժողովո՛ւրդ... Թագավորի հրամանով առավոտը կանուխ ձիատերը ձիով քաղաա՛ք, հե՛յ-հե՛յ... Ով չտանի, թագավորի հրամանով տունը, տեղը, է-հե՛-հե՛յ...» /ԱԲ, 1, 286/:

Նախադասության սկզբում ծայնարկության կերպավորական կրկնությանը հաճախ հաջորդում է կոչականը՝ մատնացույց անելով այն անձը, որին ուղղված է ծայնարկությամբ արտահայտվող ամբողջ զգացականությունը. ինչպես՝ «-Վա՛յ, վա՛յ, Մոսի ջան, ինձ մի ըսպանի՛ր, Սըրանից հետո չեմ սիրիլ նըրան...» /ԲԹԸ, 181/: «Ա՛յս, ա՛յս, անգին քույրիկ... սրտիս և ուղեղիս մեջ դոժիք կա...» /ՆՂ, 288/:

Երբեմն էլ կոչականը նույնությամբ կամ լրացունով /լրացումներով/ համալրված գործածվում է կրկնյալ և կրկնորդ ծայնարկությունների միջև կամ կրկնվում է դրանց հետ. ինչպես՝ «Ջա՛ն, ջա՛ն, մատաղ, ջա՛ն, -արտասանեց պառավ Մարանը և հորանջեց» /ՆՂ, 79/:

Հաճախ կրկնյալ և կրկնորդ ծայնարկությունները հարաբերվում են տարբեր կոչականների և, բնականաբար, ունենում են տարբեր վերաբերություններ. «-...Հե՛յ ուլատե՛ր, հե՛յ գառնատե՛ր, Ելեք, շուտով բացեք դռներ» /ԲԹԸ, 220/:

Գեղարվեստական խոսքում, մանավանդ, չափածոյում, ռիթմական ներդաշնակության պահանջով ծայնարկության կերպավորական կրկնությամբ բանատողը նույն կոչականի ուղեկցությամբ կարող է այլ բանատողերի միջարկումով պարբերաբար կրկնվել՝ ուժեղացնելով տրամադրության ու դրամատիզմի գերակայությունն ամբողջ խոսքի շղթայում: Այսպես՝

Թող մին էլ բըռնի...

Հա՛, հա՛, հա՛, տըղերք,

Մեջքը թա՛փ տըվեք...» /ԳԹԸ, 180/:

Զայնարկությունը կերպավորական կրկնությամբ, առանց կոչականի հետ հարադրվելու, տվյալ հոգեբանական վիճակի ընդգծումով կրկնվում է նաև նախադասության վերջում. ինչպես՝ «Բայց մեր սերը այս անգամ դժբախտ վախճան ունեցավ *ավա՛ղ, ավա՛ղ...*» /ԱԻ, 3, 64/:

Զայնարկության կրկնության արժեքն ավելի է մեծանում, երբ այն հանդես է գալիս որպես լեզվական արտահայտչամիջոց, որպես կրկնաբերական բանադարձում: Ինչ խոսք, ծայնարկությունների արտահայտչական հնարավորությունները մեծ չեն, և նյութական իմաստ ունեցող բառերի համեմատությամբ դրանք ավելի սակավ են հանդես գալիս խոսքի գեղագիտական կողմին ծառայելու նպատակով: Համեմատաբար ավելի հաճախադեպ է ծայնարկության հարակրկնությամբ հանդես գալը, ընդ որում՝ կրկնության այս շարքը երևան է գալիս բանաստեղծական տան վերջին տողերում՝ իբրև նախորդ մասի հաղորդման նկատմամբ հեղինակի զգացական վերաբերմունքի ընդգծված դրսևորում և կամ իբրև նախորդ հաղորդումից արված իուզական վերաբերմունքային հետևություն. օրինակ՝

«Մ՛իս, մերիկ ջան... վզով ընկավ, սըրտին գըրկեց ու լացեց,-

Մ՛իս, բալա՛ ջան, դարիբ բալա՛, էդ դո՞ւն ես...» /ԱԻ, 2, 165/:

Հարկ է նշել ծայնարկության օղակային կրկնության գործառույժ: Զայնարկությունը կազմում է օղակ, երբ շարահյուսական կամ տաղաչափական միավորը սկսվում ու վերջանում է միևնույն ծայնարկությամբ, որով ապահովվում է, տվյալ զգացականության գերակայությունը հաղորդման մեջ: Օղակի դրսևորման պարզագույն ձևը նույն ծայնարկության արտահայտվելն է նախադասության սկզբում և վերջում. ինչպես՝ «Վա՛յ, Կիկոս ջան, *վա՛յ...*» /ԳԹԸ, 390/:

Մանավանդ արձակ խոսքում ծայնարկությամբ օղակ է կազմվում տարաբնույթ ձևերով: Այսպես, օրինակ, Թումանյանի՝ 42 պարբերությունից կազմված

«Ծղրիդը» պատմվածքի առաջին պարբերությունը կազմված է *Ճըռռ* բնածայնական ծայնարկության կրկնությամբ, որն ինքնին փաստում է ամբողջ խոսքի շղթայում այդ բնածայնության իմաստի գերակայությունը: Եվ ահա այդ նույն ծայնարկությունն այնուհետև իր կրկնյալ ու կրկնորդ ձևերով կրկնվում է՝ 3-րդ, 30-րդ և նախավերջին՝ 41-րդ պարբերությունների վերջում՝ ծառայելով խոսքի ընդհանուր շղթայում տվյալ բնածայնության իմաստի ընդգծված պահպանմանը և կշռության ներդաշնակության ապահովմանը: Ընդ որում՝ հիշյալ ծայնարկության առաջին և վերջին արտահայտությամբ ձևավորվում է ընդհանուր օղակը, իսկ 3-րդ և 30-րդ պարբերությունների վերջում երևան եկող կրկնությունները նույն 1-ին պարբերության հետ կազմում են միջանկյալ օղակներ: Ահավասիկ առաջին միջանկյալ օղակը.

« Դեռ ով գիտի, գուցե էդ ժամանակ մի ծառի կամ թփի տակ էլ պառկած խորասուզվել եք ջինջ, կապույտ երկնքի խորության մեջ, մաքուր, թեթև երազների մեջ, իսկ չորս կողմերդ ծավալվում է համատարած՝ *Ճըռռ... Ճըռռ...* » /ԶԹԸԵ, 305/ :

Այսպիսով, ծայնարկությունների կրկնությունն արդի հայերենում արտահայտվում է տարբեր իրացումներով՝ հաղորդման բովանդակության նկատմամբ խոսողի /գրողի/ հուզազգացական վերաբերմունքն ընդգծելու համար :

Համառոտագրություններ

ԱԲ - Ա. Բակունց, Երկեր, հ. 1, Երևան, 1975 :

ԱԻ - Ավ. Իսահակյան, Երկերի ժողովածու, հ.հ. 2, 3, Երևան, 1974-75 :

ԴԴԵԺ- Դ. Դեմիրճյան, Երկերի ժողովածու, հ. 10, Երևան, 1985 :

ԶԹԸԵ - Զովի. Թումանյան, Ընտիր երկեր, Երևան, 1978 :

ՀՍՕ - Հր. Մաթևոսյան, Օգոստոս, Երևան, 1967 :

ՄԳՁՄ - Մ. Գալշոյան, Չորի Միրոն, Երևան, 1983 ;

ՆԴ - Նար-Դոս, Երկեր, Երևան, 1977 :

Ն.տ. - նույն տեղը :